

INUIT ATAQATIGIIT INATSISARTUNI



UKA2024/14

25.Sept.2024

Mariane Paviasen Jensen

Akilaraaruserinermik ingerlatsineq pillugu Inatsisartut inatsisaata allanngortinnissaa pillugu Inatsisartut inatsisaat

(Aningaasaqarnermut Akileraartarnermullu Naalakkersuisoq)

Oqaaseqaat:

Inuit ataqatigiit sinnerlugit akilaraarusersuineramik ingerlatsineq pillugu Inatsisartut inatsisaata allanngortinnissaannik aningaasaqarnermut Akileraartarnermullu naalakkersuisup siunnersuutaa ima isummerfigaarput.

Nunami allameersut nunatsinnut suliarortinneqartarnerat atorfissaqartitsineq tunngavigalugu ingerlanneqartariaqartarpoq. Tamanna pisariaqalersarput suliassat immikkuullarissut imaluunniit pilersitassat annertuut suliarineqalersillugit.

Akilaraarusersuisarnermili ajornartorsiuteqartoqarsimasoq paasineqarsimavoq tamannarpiarlu iluarsiviginiarlugu naalakkersuisut inatsimmik allanngortitsinissamik siunnersuuteqarput.

Allanngortitsineq akileraartarnermut inatsisartut inatsisaannik allannguineruvoq, sulisitsisut sulisitaminnut akissarsititsisimagunik atorfeqartitsimagunilluunniit, sulisumik atukkiussinerup kingorna isumaqatigiissutit atsiorneqareernerisa kingorna akileraartarnermut nalunaarsuiffik aqqutigalugu nalunaarusiortalissasut taakkunani malitassat malitassaareersut tassalu qaammammi tulliuttumi kingusinnerpaamik qulinganni nalunaarsuisoqartalissaaq. Nalunaarutiginninnerullu imarisassaasa

INUIT ATAQATIGIIT INATSIARTUNI



ilagissavaat suliffik attartorfigisaq suunerata suiffeqarfiullu
inuussutissarsiorfittut nalunaarsugaanerata normua tasanilu pineqartut
tassaapput suliffeqarfiit nunani allanneersut tamarmik.

Akileraaruteqartarnikkut annaasaqannginnissaq piumallugu Naalakkersuisut
siunnersuutigaat.

Taamaaliornikkut anguniarneqarluni akileraarutit nunatsinnut tuttussat
eqqortumik tiguneqarsinnaalernissaat.

Inatsisissatut siunnersuut Inuit Ataqatigiinniit taparserparput
teknikkusorujussuummat paasilluaqqissaarneqartariaqarmat,
aningaasaqarnermut akileraaartarnermullu ataatsimiititaliamut
ingerlateqqipparput, ilanngullugulu partiit tulliuttuni isummersuutaat
tusassallugit qilanaaraarput.

Qujanaq.